

張右史文集

二

張右史文集卷第三十一

七言絕句

水仙花葉如金燈而加柔澤花淺黃
其幹如萱草秋深開至來春方已雖
霜雪不衰中洲未嘗見一名雅蘇
宮樣鵝黃綠帶垂中州未省見仙姿只疑湘
水綃機女來伴清秋宋玉悲

崇寧壬午臨汝四月始聞鶯二首

青杏登盤櫻豔枝園林初夏轉黃鸝一散風
露高林曉却覺年華捉未衰
好奇終在耻爭先谷外寒多故後遷已過花
時亦何恨不妨夏木綠參天

採石阻雨寄宣城故人二首

風雨江頭思故人東南烟水濕青春宛溪東
岸垂楊樹想見烟眉亦解顰
閒雲濃淡作朝陰柳色江頭春已深誰為宣
城故人說依：祇似去年心

漫呈无咎一絕

題扇燈前亦偶然那知別後遠如天去年醉
舞者花處獨聽琵琶却惘然

壬午臘月下旬偶作二首

啄塊飢禽傍短籬風驚一笑起高枝君看草
樹冰霜裏即是東風欲到時
風折葦葭水結澌燕鴻相語定歸期淮南水
闊山長處少待燕山霰雪端

泊楚州鎖外六首

滿眼荒寒春未知芳菲欲到野梅枝東南近
臘風烟好美酒千鍾魚蟹肥
便風吹舫去無情謾遣槎牙鐵鎖橫未嘆客
行鷗鳥遠五更吹角是高城
裴王席上舊行雲二十年間生死分可惜風
流一杯土年々春草斷人魂
流落相逢二十年羞將白髮對婁婦如何見
我都依舊添得尊前一惘然
水榭疎簾秋夜涼清歌一曲鷗瑤觴明朝回
首高城處只有西風却斷腸

莫愁家住大堤邊
朱閣青樓映暮川
斜映清淮一梳月
晚妝相對鬪嬋娟

臨淮道中

凍、春寒犯客裘
輕陰殘雪放孤舟
無端唯
有堤邊柳作態
東風惱客愁

許同塵示張八侍郎避暑覽館中舊
題絕句俾之同作次韻

聚散人生集渚鴻
飛鳴邂逅一宵同
是非榮辱何勞問
共在邯鄲一枕中

西園風雨雜花謝

楚澤春殘雨又風
啼鶯芳草思無窮
蕪菁滿地黃金爛
不及薔薇一點紅

慈湖中流過大風
舟老甚食時風止
游靈巖寺

心悸西江浪似山
眼明僧舍一窗閑
從今要見廬山面
畫作屏風靜處看

寓淮陽驛二首

一庭秋色高堂夜
半壁燈光短幌涼
都是去年秋

年秋氣味誰知飄泊古淮陽
悠颺短日下西墻
庭葉吟風作夕涼
客枕甚安無一事
隣雞不用喚朝陽

觀魚亭呈陳公度二首

千古濠梁莊惠詞
不須反覆辨真知
直應人意逍遙處
便是游魚自樂時

獵、微風波面開
近人鷗鷺不相猜
尊前忽起扁舟興
新管江南山水來

寒食離白沙

莫驚客路已經年
尚有青春一半妍
試上芳堤望春野
萬絲楊柳拂晴天

紹聖甲戌侍立集英殿臨軒試舉人
作此兩絕

春來小殿雪初殘
曉日曛曛未破寒
黃鸝當軒公事退
君王緩步侍臣閑
弱歲干名翰墨場
春寒搖筆試西廂
茫然二十年間事
還看春衣侍玉皇

同仲達雪後踰小山水蔡氏園得紅

梅教枝奇絕因賦二首

與君涉嶽踏春泥，邂逅紅梅得一枝。
失却孤山風露格，却成卯酒醉冰肌。
李正封牡丹詩有國色朝酣酒

北風凜冽，留高樹融雪，涓涓聚小塘。
三畝山園，半春草無人為結，小丁香。

戲呈希古

半世辛勤守黃卷，白頭客夢過青春。
枕前亦覺春情否？試問東隣晚起人。

賞心亭

揖迎桃李家何處，樂送萸愁人已非。
獨立東風今古恨，春江無語又斜暉。

題洛尾亭二首

一八 洛尾亭第

日出南山春霧收，渾江洛尾入淮流。
莫向行人贈楊柳，折將離恨入孤舟。
洛尾亭邊淮汴交，來波去浪恨迢迢。
無端更洒黃昏雨，吹作春愁不肯消。

題周文翰郭熙山水二首

魚村橘市楚江邊，人外秋原雨外川。
遣騎竹邊遊短艇，天涯暮色已蒼然。

洞庭葉落萬波秋，說與南人亦自愁。
指點吳江何處，是一行鴻雁海山頭。

立春三首

天上春來誰報人，江山氣象一時新。
懶將白首簪幡勝，壽酒三杯慰逐臣。

風光先著竹間梅，和氣應從九地回。
桃李滿園渾未覺，微紅先向寶刀開。

蒼龍關角日金斗，文德門南散曉班。
車馬紛紛殘雪裏，銀剪綵舞新幡。

寒食

庭院輕寒新雨過，江城寒食野花飛。
故園北望一千里，極目江楓客未歸。

竟陵夢野亭在子城西，南角一目而盡雲夢之野，最為郡中之勝。

高堯巨桷壓城闌，平視如將七澤吞。
幾度春光招宋玉，碧闌干外獨消魂。

奉符縣北二十里林家莊馬舖壁間
有草書數行半毀矣問其人云熙寧
中錢提刑所書余考其時蓋翰林四
丈穆父也錢公謫秋浦而卒其子已
免喪矣覽之不覺失涕因留一絕
龍蛇半滅亭間字泉壤長埋地下身從此世
間無玉樹故人三嘆淚沾巾

木芙蓉菊花盛開

空山岑寂何所有晚菊芙蓉相對幽伴我悠
悠過閒日憐渠灼灼媚窮秋

夜間風而有感

留滯招提未是歸卧聞秋雨響踈籬何當粗
息飄萍恨却誦僧窓聽雨詩

次韻智叔三首

才似庖刀不待硯思如流水更清冷詩壇李
杜誰為將盡掃撓槍正國刑
公子風流更可人仙家問信柳湖春煩公覓
下一杯水洗我胃中百斛塵

今朝一見詩人詩不用更尋黃絹詞深山一
鶴自唱和亦有松下童子知

絕句

竟陵秋色清如水客舍飄梧墜晚階已掩重
門風柔定玉鉤還向玉人來

西園

滿園紅紫春無限盡日飛鳴鳥自由夜雨朝
晴風日好盡舒雲錦不能收

晚春

苔封池面草芊緜鳴蚓跳蛙意若便頗覺風
雲有奇變翻盆一雨便潏潏

殘春三絕

低簷送雨晚霏微濕透梅房白漸肥半捲画
簾屏扇掩朦朧春睡擁春衣

闌干倚遍更消魂春到淮南得幾分裛柳
枝烟而濕画樓殘角送黃昏

強尋春物散無聊直使樓高恨未消鱗碧萬
家看不盡杏花時見隔牆梢

偶題二首

相逢記得画橋頭，花似精神柳似柔。
莫謂無情即無語，春風傳意水傳愁。

春水長流鳥自飛，偶然相值不相知。
請君試採中塘藕，若道心空却有絲。

宛丘道中

日斜沙路馬翩翩，故欲迎涼不著鞭。
誰解多情似新月，伴人歸去照人眠。

青桐道中值雨，凡數里舟行久之頗有江湖之思二首

繫馬搽舟問櫂師，却疑淮口掛帆時。
人間遷改何須問，便作江湖未可知。

冥冥烟外鳥飛歸，野老得魚收網迴。
隔浦斷霞沉欲盡，半彎新月出雲來。

宿咸平驛

蕭蕭暗葉鳴秋雨，淅淅寒風戰客燈。
世味飽諳心已老，不煩潘鬢強侵陵。

蕭

蕭蕭風雨五更初，枕上秋聲獨并梧。
只有菊花猶灼灼，若教摧拉就荒蕪。

淮陰道中

映日斷霞臨水盡，出雲新月向人來。
野塘秋晚無行迹，點點黃花照水開。

夜坐

庭戶無人秋月明，夜霜欲落氣先清。
梧桐直不甘衰謝，數葉迎風尚有聲。

試筆

學館齋盤驚歲晚，寒窗書史伴身閒。
年來轍軻甘言命老去，追隨默強顏。

新春

水鄉清冷落梅風，正月雪消春信通。
昨夜園林新得雨，杏梢爭放曉來紅。

野步

帶水依城一徑微，出城桃李雨來枝。
景憐楊柳身無力，付與春風自在吹。

春日偶題四首

漫：東風百草長天桃如笑柳如粧唯憑酒
作青春敵收拾風光入醉鄉

隔屋桃花暖鬪粧好風時有過牆香滿園芳
草無人種何事春來特地長

舍北小桃栽及有可憐枝弱苦花繁黃昏而
急東風惡惜雨不禁春夜寒

白首傷春一老翁預愁寒食過春中下簾數
點黃昏雨一霎輕寒青杏風

偶成二首

新引龍孫欲解包離根抽笋已梢：萋萋雨
過蝸緣壁楊柳葉深鶯有巢

乍晴幽步踏斜陽殘涼青苔曲徑荒風擲落
花填小塹雨催芳草上空牆

題軫師房二首

漠：雨苔依砌綠鮮：秋菊映堦黃山僧睡
起日亭午出戶微：栢子香

銅瓶布袖出塵埃跡瘦風標日一齋門迤蕭
然更無事生螢飛鵲及時來

初離山陽廻寄城中友人二首

落月昏：向水低五更殘燭一檣難祇應魂
夢猶東去從此扁舟日向西

野岬蕭：落葉風秋光離思兩相攻殷勤臨
水揮雙淚憑寄清流却向東

淮陰晚望

蕭：衰柳來時路暮：危橋西去船白鳥歸
飛夕陽盡斷霞風約過平川

宿第四舖

繫纜寒沙傷客情秋雲不動夜陰生蕭：雨
岬黃榆葉解報三更雨到聲

初見嵩山

年來鞍馬困塵埃賴有清山豁我懷日暮北
風吹雨去數峯清瘦出雲來

有感

鬢毛已自秋來變解肉仍于馬上消端眼青
山不歸去強顏微祿亦何聊

福昌官舍後絕句十首

淮南梅柳想春還怯見西州歲暮寒惟有看
山心未厭晴明終日在欄干

小園寒盡雪成泥堂角方池水接溪夢覺隔
窗殘月盡五更春鳥滿山啼

無客門闌盡日扁兩行喬木擁寒廳吏胥借
閒官何在流水散中看竹行

漫與東風作主人栽培花草伴閒身不辭伐
竹成高架收拾蓄薇一片春

卧聽堂南布穀鳴龍頭細麥已青盈數勸謝
汝催春種我為無田豈懶耕

翠竹留人不忍還暖泉春漲已潺湲寄言山
鳥休歸去與爾同來樂此閒

洛川春色幾時歸漾漾清流照翠微日暖雪
消沙岸軟鶯鶯相對不驚飛

風吹春日下南山尚有輕水結暮灘何事鶯
鶯故相守清溪不怕夜栖寒

不掃竹根藏笋出旋培殘雪擁蘭芽為君更
接櫻桃樹付與春風換却花

清明山色到前簷汨汨溪流聚小潭一榻竹
窗晴晝睡依依春夢入江南

夢周楚望

春風吹夢到淮南一夕從容盡笑談睡覺始
知經歲別洛陽新柳已堪

絕句

坐局歸來已暮鍾濛濛寒雨濕寒茸正須牆
下一壺酒不怕江頭三日風

有感

屋角纖纖挂斷虹清蟬一噪起高桐天涯雲
盡見殘日林下雨餘來好風

張右史文集卷第三十一

張右史文集卷第三十二

七言絕句

屈原

楚國茫茫盡醉人，獨醒惟有一靈均。
鋪糟更遣從流俗，漁父由來亦不仁。

觀音泉

巖松偃蓋不知年，寂寂秋燈寶供前。
清徹一源傳萬古，空山長伴白衣仙。

宿慈氏院

樓上鳴鐘報五更，朦朧深殿佛燈明。
更無幽夢隨寒枕，聽徹風松到曉聲。

巫臣二首

萬古風情不易禁，多言未似不言深。
楚王只聽巫臣諫，不道逃吳已有心。

咫尺山河不易知，無言莫謂即無思。
人間只見枝頭萌，不悟春衣暗理絲。

北風

北風卷地寒侵骨，凍雪連山鳥不飛。
試問朱

門餘酒肉，幾人迴首念無衣。

洛岸春行二首

溪上映人楊柳黃，滿溪流水碧泱泱。
憑君莫向溪南望，春草春風能斷腸。
南山晴翠入波光，一派溪聲繞郭長。
最愛早春沙岸暖，寒風輕浪拍鷺鶯。

漫成七首

應敵詩才慙古人，豪情春色空闌身。
鋪排物色雖甘拙，消散閒愁亦有神。
修竹娟娟一萬竿，清渠引水正潺潺。
知時燕子來相語，任意鳬雛去不還。
高槐無花亦有陰，恭天老枝逾十尋。
流鶯不使人窺見，故隔深條送好音。
風吹桃花西復東，雨打海棠零亂紅。
可是春光即消歇，牡丹音信未全通。
江南梅花凌雪霜，桃李開盡春無光。
誰知洛陽三月暮，千金一朶賣姚黃。

溪水春來清蕩沙，溪南溪北是人家。
依依陌

上多情柳簇、原頭自在花

庭陰當午起猶慵斷送殘春醉夢中桑柘成

陰桃李盡一川零亂柳花風

和應之出城

路穿槐柳遠山斜長夏村墟對物華青玉一

尋披繹竹絳繒千片剪榴花

永寧赴晁應之見招賞花途中遇雨

行雲濃淡日無輝輕雨飄飄點客衣馬上漫

即醒復醉一盃客易送春歸

依韻和晁十七落花二首

投老殷勤向物華風前猶欲拾餘花更將夢

逐殘紅去過入長安百萬家

飛隨風雨落隨流更有餘紅亦已休香天

涯春物盡可憐鶯蝶不知愁

和端午

競渡深悲千載冤忠魂一去詎能還國亡身

殞今何有只有離騷在世間

偶成

須知虎手有真如合遣輪人笑讀書擁褐蒲

雙廟

成敗功名付偶然男兒要是死生間故應城

破知肝膽飛矢何勞記賀蘭

株林

九寡奔亡一老姬白頭蠻叟娶西施二公費

盡平生事深屋婢媼世得知

淮上阻風步入寶積山訪軫長老

少年飄泊歸淮東道人住庵何處崢嶸知有招

提烟水外雪雲山路倒杉松

淮上觀水下

寒淮千里群冰下古岼枯槎黃蒿枝憶得天

津橋下見五門春動雪消時

春陰

驚鴻瞥過不容攀病眼淮邊望望寒獨卧孤

舟對楊柳春風終日在櫓竿

清明日舟中書事二首

清明不到旅人家乞火鄰船自試茶
弄柳好風低作舞夾船春浪細浮花

巢鳥噪處綠楊村寒食人家盡掩門
夢龍曉風收宿潤烟林午日漲春昏

宮人斜

青蛾皓齒作埃塵玉匣珠衾地下身
一曲壞牆門不鎖林花開落墓前春

奉先寺

定知生不出長門木黍蕭蕭寺後村
松柏城南萬丘塚傷心最說內人園

至後早赴館二首

紅蠟粒梅冷未粘柳條偷暖作纖纖
高樓殘白誰家雪盡日天寒不捲簾

城園殘雪寒催曉宮近晴雲暖欲春
誰覺風光添一線玉壺漏水報難人

晁二家有海棠去歲花開晁二呼杜
卿家小娃歌舞花下痛飲今春花開

復欲招客而杜已出守戲以詩調之

頻疑蜂蝶過鄰家知是東牆去歲花
駿馬無因迎小妾鴟夷何用強隨車

復荅迎郭侯犢車之句

玉壺春酒射朝霞只看纖腰不看花
但遣丹迎桃葉女仍須恩賜短轅車

對菊花二首

官閣身世兩悠悠種竹栽花一散愁
黃菊叢邊對踈雨而一年懷抱此時秋

躬耕過歲真吾事牛下齋兒婦喜歌
招飲風烟過湖日遠離栽菊可如何

題海州懷仁令藏春亭

聞道山中賢長官種花不肯放春還
故知車馬紅塵地催促東風不得閑

題綠野亭

渺渺孤亭滄海東天連平野四無窮
可須戶牖臺端上自攬山河眼界中

漫成三首

驅除牢愁須酒聖狼藉春色要花紅
定知春

未無一事苦教有情愁得儂

容易得愁郎不去若教春物喚愁生遣愁飲
酒大拙計遣誰覺眉為慢報

閉門春風作往還誰家有花堪醉眠柳腰榆
笑爭入眼江梅一枝遠如天

題榮子雍酒居二首

草舍隆中一幅巾閉門三致漢將軍紛々自
獻知何有終遣斯人了馬分

一室荒蕪孺子貧知君四海入經綸殺身虎
口終何補洒掃庭除自可人

秋日有作寓直散騎舍

黃省文書分道山靜傳鍾鼓建章闔天邊王
樹西風起知有清秋到世間

曉雨

綠滿園林紅已稀濕烟和柳共霏微誰家油
壁春寒裏獨輟天街曉雨歸

送周六赴濠州戶曹二首

老顙有婦何妨道一室蕭然尚愧君但恐小

喬來丈室却須射虎作將軍

從來悟道不由書觀面相呈已有餘麈尾花
飛終不近濠梁古兔解椰榆

趙弟

男兒何用立奇勲趙弟從軍初不聞但斬卻
城侯萬戶不須猿臂老將軍

贊皇公

才高一世有奇功掩卷令人獨想風莫笑狄
祠遷武相致人從古是英雄

夜來

夜來風雨掠餘春晏起蕭條一病身三月長
安泥浩々懶隨車馬作游人

桓武公

北征談笑縛姚公靜掃諸陵見洛嵩不用登
高笑夷甫正緣此草使君雄

和天啟惠橘詩

十年不摘洞庭霜喜見新苞照眼黃但對典
刑休嗜味以天啟贈虎賁猶得作中郎

題画二首

敗蘆浸水凍灘沙朔雪隨風亂綴花濕翅老
鴟鳴未起暮雲山色暗天涯

蒼々老石守寒叢雪洒林鳩美睡中鶉傍陳
根飢更啄雀栖高枿暝愁風

題庭木

枯條怪石坐寒禽玉軸高懸画萬金歲晚荒
畦真在眼寂寥方見此時心

有所款

駢脅當車鬬戟先相君冠蓋照秦川六雄未
滅君無苦當念杜門公子度

五更

歲事先教蟋蟀催暮雲樓閣隱輕雷五更庭
葉驚殘夢知有清秋犯雨來

下直

留住長安鬢已絲宮廊還見落槐飛暮雲疎
雨蒼龍闕不惜障泥策馬歸

題史院直舍魚鷺屏

鐘鼓聲稀下直遲秋暉初轉萬竿枝寒廳盡
日誰相對慙愧屏風画鷺鷥

梅柳二首

便使柳肥終解舞莫驚梅瘦為含酸因風自
裊還成態與雪爭妍却要寒

天質自清非為瘦仙姿正白不施紅未開如
怨開如笑枉乞幽香與北風

探春

啾々凍草群飛雀暮々高林獨嘯猿忽憶淮
南春意動早梅池館斷鴻天

雙槐

老去相看終慘澹秋來無賴對婆娑任從葉
逐西風去要聽庭寬夜雨多

晏起

晚起翻書日欲西偶然乘興忘逮嬉好書自
癖非求利掘冢才須數句詩

和人二首

臘殘春近獨銷魂殘雪長安千萬門青鳥何

寄寄音信碧雲別解報黃昏

曉曉曉日漏春光欄下萱叢尚卧霜認得君家門上雪易知何事却難忘

天憲

鑿屋分將一尺明坐令隔幌見簾屏任從世界傾盆而只要蕭蕭數點聲

失性

失性推顏君子鶴忘羞跳擲沐猴冠須知六合梟鸞雜供典閨人靜處看

夢至一園池藕花盛開水鳥飛鳴為

作二小詩記之

偶來乘興不須疑一項秋香欲發時老子婆娑真為爾百回相見愧鸛鷀

平池秋水雨來深無數紅粒出岫陰翠幕深藏知有意白鷗相見本無心

讀王荊公詩

名實由來不可逃悠悠毀譽亦徒勞戚公已死言終立不是新裳世祿高

雨霽

豐隆故犯青冥上列缺應遙迤照迴樓外細蟾呈窈窕枝間少女故徘徊

蹇驢

驢伏鹽車飢不行疲牛典甬飽平生子荆自是佳公子亦向人前作汝聲

局中晚坐

高林晚景漸踈明而過長安為屋青為間西風來幾日夕陽宮殿亦秋聲

贈鐵牌道者

微官待旦亦朝天賴爾絕勝鐘鼓傳拳世倚宣竟難警憐君常負五更眠

無題二首

風槐已踈遽如許夜夢雖愁可若何出門蹄道苔痕滿隱几書塵鼠跡多

晚起清秋一枕涼四簷鳴雨下淋浪竹籠燒藥時添火書榻焚香却閉房

張右史文集卷第三十二

張右史文集卷三十三

七言絕句

吳江道中懷陸魯望

我亦扁舟一散人
江湖為洗十年塵
筆床茶竈經過地
風月相望亦有神

雲溪道至西安鎮

蒼溪清秋水底天
夜帆燈火客高眠
江東可但鱸魚美
一看溪山直萬錢

喜雪走筆呈李宣城三首

殷勤寄語宣城宰
公事何時是了時
是了時病守欣然
有嘉思亦須對雪把空卮
臨、庭中爭曲直紛、筆下判鞭笞坐曹決
事輸歸飲須信薛宣稱吏師

萬夫餓腹待倉儲
三戶窮民守破圩
疲瘵不禁鞭撻甚
長官對酒且歡娛

游園

病來久不上層臺
窻有蛛絲逗有苔
為報園花莫惆悵
故教太守及春來

閨怨二首

晚風庭竹已秋聲
初聽空階蛩夜鳴
流落天涯聊自得
今宵為爾感平生

二年江海轉萍踪
白髮蒼顏換舊容
新月窺簷風動竹
宣城今夜又聞蛩

雨中題壁

去年此日泊瓜洲
衰柳蕭蕭繫客舟
白髮天涯歎流落
今年對雨古宣城

鵲鵲

敗荷枯蒂一方池
溪上鵲鵲坐得知
何事月寒風露下
學拳孤影在風枝

秋蚊

江城落木已窮秋
病客初寒欲襲裘
暗室飛蚊猶撲面
不知天上火西流

冬日

忽、新冬無一句
自憐憔悴楚江濱
滿前魑魅何曾禦
尚愧無功作逐臣

預作冬至

紫壇曾從莫琳琅親被天人玉冕光今日黃
州山下寺五更聞雁滿林霜宋元祐七年南
郊曾共拜

皇帝陛下見上冕玉簪白
如雪為燭所照出光數尺云

九日登高

黃梨丹柿已催寒一月西風積雨乾紺滑秋

天稱行草却憑秋雁作揮翰

試墨

金案冰窓淨絕塵硯寒龍尾穀生文澄江清

淺汀洲靜忽有蒼螭下吐雲

綠花

清寒帶雪未成春可得芳菲未向人須遣艷

陽歸掌握故教桃李及芳辰

送窮

并：瀝酒拜清晨風俗新正競逐貧不用為

文送窮鬼直須圖事祝錢神

寄陳州朱教授三首

殷勤寄語朱夫子僧舍花前亦舉觴學舍蕭

條官職冷不知誰與戴姚黃

欲曉山禽百種鳴最憐啞啞是雛鶯遙想西

湖烟柳色深春風露水邊聲

春雨江干不肯晴大江標岸轉雷霆山頭方

丈渾無事掃地焚香看佛經

送春

二年江上見春歸子年春在金陵江上預想重來我未

迴淹連世問誰料得祇應相遇且銜杯

寓寺八首

門外清泉浸稻畦西南修竹作城埤川平林

斷空明處却有遙山作翠眉

道人鍾梵久寂寞倦客弭車聊靜使我亦雲

山閒衲子平生香火舊同緣

病卧淮陽太昊城牡丹叢畔過清明那知春

暮長江上竹東招提曉曉鶯

江城梅子青時節嫩紫天紅掃地無修竹滿

山連草色却煩林鳥勸投壺

翠眉長好何曾損寄語啼禽漫不閒應為殘

春足愁恨長疑愛破鏡中山有為親如
呼翠眉損

平曉春雲失半山濛濛小雨暗江干寺樓倚
通銷殘醉只有春愁伴薄寒

錯落星河沒半空江城悲角五更風幽人夢

斷西窓雨背壁籠燈到曉紅

籠燈到曉只微明獨擁單衾聽雨敲窗恍竹

床清過暑蕭然未覺負平生

黃葵

黃葵貴麗不妖嬈一朵新晴檻外高還似通

英臨便坐墮朧朝日照天袍

聽鳴禽

流滯江邊髮已霜又聞春鳥啭朝陽他時北

去懷陳迹寒竹疎梅黃土崗

曉雨

輕陰江上千峯秀小雨牆邊百草生惟有春

禽慰孤客曉啼渾似故園聲

黃州酒務稅宿房北窓新種竹戲題

于壁

異時小杜高眠地幾向秋風聽楚江身世浮

雲那可計試留雙竹守寒窓

梅花

我愛梅花不忍摘清香却解逐人來風露肌

膚隨處好不知人世有塵埃

分冬

莫驚人事浮雲變且作吾儕飽飯行白首分

冬聊自勸江城今夜一陽生

食薺糝

論斤上國何曾飽

高力士至熟中見薺云兩京論斤買五錢無人採

旅食江城日至前常慕藜羹最清好故應不

糝愧吾原

原憲藜羹不糝

戊寅正月八日早寒

濃淡春雲夜雨乾寂寥庭院袂衣寒無人為

發樽前笑但把梅花似舊看

正月七日雪晴

西窓融雪飄如雨故與新春作薄寒昨夜雁

聲渾向北夢魂隨去過闌山

光華之閣路名闌山

春蔬